



# Միսաք Մեծարեւնց

## Յայգանվագ

Կուգա սիրերգն հեղեղատին  
անտառներու մեջ մենիկ,  
երբ ժըխորներ պահ մ'ընդհատին,  
հասնի գիշերն երջանիկ.

Արևելքի գիշեր մը ջինջ,  
շափյուղագարդ երկինքով,  
ուր հեշտություն է ամեն ինչ,  
ամեն իր լի բուրմունքով:

Ծառաստվերի տակ սխրալի,  
բուներուն մոտ ու հեռու,  
ջինջ հեղեղը կը թավալի  
արծաթացող լույսերու:

Ու կը շրջի անտես ոգին  
հոն անտառի ծառերուն`  
խարշափն որոնց թույլ, հեշտագին,  
կը նվագե օրորուն:

Պիշ կը դիտեն սաղարթախիտ  
արահետները նրբին,  
ու երագներս ականակիթ  
հետզհետե կը թափի՛ն...

... Դեռ մինչև ե՞րբ, ըսե՛, հոգիս,  
դեռ մինչև ե՞րբ տառապիմ՝  
պրպտելով անըջանքիս  
թոշ ծաղիկը մտերիմ:

Գուցե վաղը մթնե հոգիս,  
գուցե դո՛ւն ալ թարշամիս,  
մ'եղծեր հըմայքն անըջանքիս  
ու ծաղիկը պաշտումիս...